



Փարիզում նորերումս լուր տարածվեցաւ, որ Գամբետտա գաղանի ուղեորովէ Գերմանիա իշխան Բիսմարկի հետ տեսնվելու համար, Այդ առիթով «Times» լրագրի փարիզի թղթակիցը հաղորդում է հետեւեալը: «1878 թւականի յուլիսին ես մեր կրկար խօսակցութիւն ունէի իշխան Բիսմարկի հետ, որ այդ օրը շատ լաւ էր տրամադրված եւ կրկար խօսում էր: Մեր խօսակցութիւնը կատարվում էր գերմանական դեսպան իշխան Նոհհելօֆի եւ բարոն Նոլշտէյնի ներկայութեամբ, որ վայելում էր Բիսմարկի կատարեալ հաւատարմութիւնը եւ, իբրեւ Փարիզի գերմանական դեսպանատան քարտուղար, շատ լաւ ծանօթ էր Ֆրանսիական քաղաքական գործերի դրութեան հետ: Իշխան Բիսմարկ խօսում էր զանազան առարկաների մասին. կոնգրեսի պատերազմի, Ֆրանսիական քաղաքական գործիչների մասին եւ այլն: Այդ ժամանակ մէկը Գամբետտայի սնունը յիշեց: «Գամբետտա, բացականչեց իշխանը, ահա մարդ, որին ես կուզենայի տեսնել իմ մահ հուանից առաջ: Ինչ ուզում են ասենք այց նա երեւի մարդ է: Նա իր բոլոր հայրենակիցներից բարձր է: Ասում են, որ նա շատ զրաւիչ մարդ է, մի եւ նոյն ժամանակ ամենքը համոզված են, որ զրաւիչ մարդիկ չեն կարող պետական երեւելի գործիչներ լինել:» — Թիւրք ինձ ասաց մի ժամանակ, ընդմիջեցի ես, որ դուք չափազանց զրաւիչ մարդ էք, բայց այնու ամենայնի դուք յայտնի էք իբրեւ երեւելի քաղաքական գործիչ: — Հազիւ թէ ինձ զրաւիչ համարեն Գերմանիայի մէջ, պատասխանեց Բիսմարկը եւ աւելացրեց, այո, ես չէի կամենայ մեռնել Գամբետտային տեսնելուց առաջ: Այդ խօսակցութիւնից յետոյ, երբ ես մնացի իշխան Նոհհելօֆի եւ բարոն Նոլշտէյնի հետ, ես մտածեցի, որ իշխանի ասածները Գամբետտայի մասին պատահմունք չէին: Եւ նրանց յայտնեցի իմ միտքը: «Կարծեմ, նկատեցի ես, որ իշխանի երկու անգամ կրկնած ցանկութիւնը Գամբետտային տեսնելու մասին հասարակ պատահմունք չէր: Իշխանը գիտէ, որ ես ծանօթ եմ Գամբետտայի հետ եւ որ Փարիզ վերադառնալուց յետոյ ես նրա հետ կը տեսնվեմ: Նա չը խնդրեց չը պատմել Գամբետտային իր ասածները նրա մասին եւ կարծես նա ցանկանում է, որ ես բոլորը հաղորդեմ Գամբետտային: Գուց ինձանից լաւ էք ճանաչում կանցլիւրին, ինչ էք կարծուարդեօք հարկաւոր չէ նրա եւ Գամբետտայի մէջ մի տեսակցութիւն կայացնել: Ես կ'ընակապատրաստեմ տեսութիւնը, իսկ դուք բանակցութիւնները կատարեցէք:» Իշխան Նոհհելօֆ եւ բարոն Նոլշտէյն համաձայնեցին ինձ հետ եւ մենք պատրաստվում էին գործողութեան նախագիծը կազմել: Մի օրը ես այցելեցի բարոն Նոլշտէյնին, հաւատացած լինելով, որ նա արդէն տեսնու